
Saksnr: 2020/776-9
Saksbehandlar: Roald Breistein

Saksgang

Utval	Utv.saksnr.	Møtedato
Kontrollutvalet		

Evaluering av omlegging av fv 567 gjennom Hosanger**Forslag til vedtak**

1. Kontrollutvalet har merka seg at denne saka har teke uforholdsmessig lang tid utan at ein har klart å få til ei løysing, jf. at saka starta opp i mai 2019.
2. Kontrollutvalet ber fylkesrådmannen koma med ny skriftleg statusrapportering når det gjeld vidare oppfølging av det som gjeld gråsteinsmuren, til første møte i utvalet i 2021, med frist for levering til sekretariatet innan 15.01.2021.

Samandrag

Kontrollutvalet har handsama fleire gonger sak om at det ikkje er gjort evaluering av omlegginga til ca 50 mill kr av fv 567 gjennom Hosanger. Denne saka er ei vidare oppfølging av denne saka.

Hogne Haktorson
kontrollsjef

Roald Breistein
seniorråddevar

Saksframlegget er godkjent elektronisk og har difor inga handskriven underskrift

Vedlegg

- 1 Status Hosanger sentrum - medio september 2020

Saksutgreiing

Bakgrunn for saka

I samband med handsaming av «RS 18/19 Statens vegvesen evaluerer ikkje omlegginga til ca 50 mill kr av fv 567 gjennom Hosanger» i møte i kontrollutvalet i Hordaland fylkeskommune 07.05.2019 vart det gjort slikt vedtak:

«Kontrollutvalet ber konst. fylkesrådmann skriftleg orientere til neste møte om sitt syn på saka og om, og i tilfelle kva som er gjort/vil verta gjort frå Hordaland fylkeskommune si side i saka. Den skriftlege orienteringa vert å sende sekretariatet innan 23.05.2019.»

På bakgrunn av vedtaket over handsama kontrollutvalet saka i møta 12.06.2019, 02.09.2019 og 25.11.2019, der det i siste møte vart protokollert dette:

«Konst. fylkesrådmann i Hordaland fylkeskommune, Ingrid Holm Svendsen, prosjektleiari/fylkesrådmann i Vestland fylkeskommune, Rune Haugsdal, fylkesdirektør samferdsel, Håkon Rasmussen, frå samferdselsavdelinga, Jon Martin Jakobsen, frå Statens vegvesen, Grete Vikane, og frå Statens vegvesen, Siri Kropelin Bernås orienterte om sitt syn på evalueringa av omlegging av fv. 567 gjennom Hosanger og svarte på spørsmål frå kontrollutvalet.

Fylkesrådmann Rune Haugsdal konkluderte med at dei vil rette opp det som kan karakteriserast som manglar i høve inngåtte kontraktar for dei 19 punkta det er stilt spørsmål ved. Det kom også fram at ein ser at prosjektstyringa på dette vegprosjekt, og andre vegprosjekt ikkje har vore god nok, jf. forvaltningsrevisjon Hordaland fylkeskommune - Planlegging av investeringar frå 2016.

Kontrollutvalet oppmodar om at fylkesrådmannen i Vestland fylkeskommune, til første møte i 2020 i det nye kontrollutvalet, sender til utvalet ei skriftleg vurdering når det gjeld manglar i høve inngåtte kontraktar for dei 19 punkta som det er stilt spørsmål ved.

Etter dette vart slikt vedtak samrøystes vedteke.

- 1. Kontrollutvalet oppmodar om at fylkesrådmannen i Vestland fylkeskommune, til første møte i 2020 i det nye kontrollutvalet, sender til utvalet ei skriftleg vurdering når det gjeld manglar i høve inngåtte kontraktar for dei 19 punkta som det er stilt spørsmål ved.*
- 2. Det vert oppmoda om at det skriftlege svaret vert å sende sekretariatet innan 27.01.2020.*
- 3. Informasjonen vart elles teken til orientering.»*

Kontrollutvalet i Vestland fylkeskommune handsama saka i møte 13.02.20 og 15.06.2020 der det vart gjort slikt vedtak i siste møte:

- 1. Kontrollutvalet tar informasjonen frå fylkesrådmannen når det gjeld evaluering av omlegging av fv 567 gjennom Hosanger til orientering.*
- 2. Kontrollutvalet ber fylkesrådmannen koma med ny skriftleg statusrapportering når det gjeld vidare oppfølging av det som gjeld gråsteinsmuren, til møte i utvalet 12.10.2020.*
- 3. Den skriftlege rapporteringa vert å sende sekretariatet innan 21.09.2020.*

Vedtakskompetanse

Kontrollutvalet har vedtakskompetanse i sak der utvalet vil innhenta informasjon, jf. kommunelova § 23-2.

Vurderingar og verknader

På bakgrunn av vedtaket over har vi motteke vedlagte notat frå fylkesrådmannen dagsett 15.09.2020. Av notatet går det fram at det framleis ikkje er funne ei løysing når det gjeld oppfølging

av det som gjeld gråsteinsmur under naust. Det går vidare fram at det er starta ei undersøking for å få avklart eigedomsforhold, samt gjennomføring av kostnad. Det går også fram at fylkesrådmannen vil melde tilbake til kontrollutvalet når tiltaket er ferdig.

Sekretariatet har merka seg at denne saka har teke uforholdsmessig lang tid utan at ein har klart å få til ei løysing, jf. at saka starta opp i mai 2019. Kontrollutvalet har eit sjølvstendig ansvar for å følgje opp saka. Ein bør på bakgrunn av dette be om ny skriftleg tilbakemelding til første møte i utvalet i 2021, med frist for levering til sekretariatet innan 15.01.2021.

Konklusjon

Det vert tilrådd at kontrollutvalet merkar seg at denne saka har teke uforholdsmessig lang tid utan at ein har klart å få til ei løysing, jf. at saka starta opp i mai 2019.

Det vert vidare tilrådd at kontrollutvalet ber fylkesrådmannen om å komme med ny skriftleg tilbakemelding på denne saka til første møte i utvalet i 2021, med frist for levering til sekretariatet innan 15.01.2021.